

Eine ungedruckte Urkunde Friedrichs II. für S. Giovanni Evangelista zu Ravenna.

Mitgetheilt von S. Bernicoli.

Confirmatio privilegii imperatoris ab altero imperatore
et omnium rerum et possessionum, quas dictum
monasterium detinet sive olim detinuit.

In nomine sanctę et individue trinitatis. Fridericus
secundus divina favente clementia Romanorum imperator
semper augustus Yerusalem et Sicilie rex. Cum impera-
toriam deceat maiestatem merita suorum fidelium diligenter
attendere et subiectorum suorum postulationibus iustis
adesse, tanto¹ ad sacrosanctas² ecclesias et monasteria
oculos tenetur reducere pietatis, quanto regi regum gratius
residet, cum et sue pietatis operibus noster adhibetur
assensus. Eapropter notum facimus universis imperii fide-
libus tam presentibus quam futuris, quod Guillelmus vene-
rabilis abbas sancti Iohannis evangeliste de Rauenna
fidelis noster ad presentiam nostram accedens ostendit
nobis quoddam privilegium a domino quondam imperatore
Friderico avo nostro felix memorie prefato monasterio
suo pie indultum. Idem³ vidimus contineri, qualiter idem
dominus imperator avus noster abbatem eiusdem monasterii
et monasterium ipsum cum omnibus bonis suis, que iuste
tenet et possidet et in antea posset adipisci, sub speciali
protectione et tuitione sua recipiens eidem monasterio,
quicquid largitione ecclesiasticorum saeculariumve prin-
cipum vel aliorum quorumlibet hominum traditione susce-
pisse tenereque ac possidere inde videtur⁴ vel quod in
posterum legitime et rationabiliter posset adipisci, id ei
totaliter auctoritatis suo robore confirmavit in omni quiete
de cetero possidendum. Dedit etiam et concessit eidem

1) Dahinter 'tañ' in der Hs. Man erwartet etwa 'potius' wie in
BF. 1643, das die gleiche Arenga hat. 2) 'sacrosancta' Hs. 3) Zu
emendieren in 'ibidem'? 4) 'indefinite' Hs.